



BUXORO VILOYATI PESHKU TUMANI HOKIMINING QARORI

201200, Peshku tumani, Amir Temur ko'chasi, 3-uy. Tel: (65) 35-31-6-31, faks: (65) 35-31-570, peshku.t@exat.uz

2022 - yil 17 - sentabr

486-2-39-Q/22

Peshku tumani hokimligi

Peshku tumanidagi qabristonlarda dafn etish xizmatlarini ko'rsatish bo'yicha tariflar miqdorini tasdiqlash to'g'risida

O'zbekiston Respublikasining "Dafn etish va dafn ishi to'g'risida"gi Qonuni, O'zbekiston Respublikasi Vazirlar Mahkamasining 2011-yil 4-apreldagi "Dafn etish va dafn ishi to'g'risida"gi O'zbekiston Respublikasi Qonunini amalga oshirish chora-tadbirlari haqida"gi 101-son qarori bilan tasdiqlangan nizomga muvofiq hamda O'zbekiston Respublikasi "Mahalliy davlat hokimiyati to'g'risida"gi Qonunining 6-25-moddasiga asosan,

QAROR QILAMAN:

1. Peshku tumandagi qabristonlarda dafn etish xizmatlarini ko'rsatish bo'yicha tariflar miqdori ilovaga muvofiq tasdiqlansin.

2. Tuman hokimi o'rinbosari Sh.Bozorov, tuman obodonlashtirish boshqarmasi (K.Imomov)larga:

Fuqarolarning o'zini-o'zi boshqarish organlari bilan hamkorlikda qabristonlarni zarur darajada saqlash va obodonlashtirish hamda hasharlar, xotirlash kunlari va boshqa tadbirlarni tashkil etish;

Sanitariya qoidalari va meyorlariga qat'ian rioya etgan holda qabristonlarni ochish va yopishda qonuniylikni ta'minlasin, qabristonlar tashkil etish uchun er uchastkasi ajratishni yer to'g'risidagi qonun hujjatlariga muvofiq amalga oshirish topshrilsin.

3. Tuman obodonlashtirish boshqarmasi boshlig'i K.Imomovga:

Xizmatlar uchun qat'ian belgilangan tariflar bo'yicha hisob-kitob qilgan holda fuqarolarning qabristonda ko'rsatiladigan xizmatlarga doir buyurtmalarini o'z vaqtida va sifatli bajarilishini;

Qabristonlarda byustlar, haykaltaroshlik yodgorliklari yoki alohida arxitektura shakliga ega bo'lgan inshootlarni o'rnatish, obektlarni saqlash va ulardan foydalanish qoidalariga rioya etilishini ta'minlasin.

4. Qaror matni hokimlikning rasmiy veb-saytiga joylashtirilsin hamda "Peshku ovozi" gazetasi bosh tahririyati (H.Sharopova) ushbu qaror matnini "Peshku ovozi" gazetasida chop etilishini ta'minlasin.

5. Mazkur qaror ijrosini nazorat qilish tuman hokimi o'rinbosari SH.Bozorov zimmasiga yuklatilsin

Tuman hokimi



V.Qahhorov

Peshku tuman hokimining
2022 yil 17 sentabrdagi
486-2-39-Q/22-son qaroriga
1-ilova

Peshku tumanidagi qabristonlarda dafn etish xizmatlarini ko'rsatish bo'yicha

TARIFLAR MIQDORI

T/r	Xizmat turi	O'lchov birligi	Bazaviy hisoblash miqdoriga nisbatan (foiz hisobida)
1	Qabr uchun (diniy mansubligidan qat'iy nazar katta o'lchamda)	Bir o'ringa	50 %
2	Tegishli diniy konfessiya qabristonida vafot etgan yaqinlari va qarindoshlarini dafn etish uchun uchastka olish	Bir o'ringa	50 %
3	Qabr uchun (diniy mansubligidan qat'iy nazar kichik o'lchamda)	Bir o'ringa	30 %
4	Qabr uchun (diniy mansubligidan qat'iy nazar 3 yoshgacha)	Bir o'ringa	Bepul
5	Marosim xizmatlaridan foydalanish	1 kunga	Bepul
6	Qabrga va qabr usti yodgorliklariga qarash uchun qabriston anjomlaridan foydalanish	1 o'rin kuniga	Bepul

Izoh: Peshku tumanida qabristonlarda dafn etish xizmatlarini ko'rsatish bo'yicha ta'riflar miqdori bazaviy hisoblash miqdori ortishiga mutanosib ravishda dafn

etish xizmatlarini ko'rsatish bo'yicha ta'riflar miqdori ham ortadi.